

**Dr Mujahid lancar buku baru, "Berdialog dengan Gereja"
Malaysian Insider
Sept 14 , 2013**

Datuk Dr Mujahid Yusof Rawa melancarkan buku terbarunya berjudul 'Berdialog dengan Gereja sebuah Travelog kedamaian', yang menceritakan bagaimana usaha PAS untuk mendekati golongan bukan Islam khususnya Kristian di negara ini.

Majlis peluncuran awal itu di disempurnakan Pengarang Analisis dan Rencana, The Malaysian Insider, Zulkifli Sulong, di Petaling Jaya.

Buku terkini Dr Mujahid memaparkan pengalaman beliau selaku pengerusi Lujnah Perpaduan Nasional PAS yang terlibat dalam dialog dengan gereja, khususnya dalam isu kalimah Allah yang mencetuskan provokasi hubungan antara agama di negara ini.

Buku ini juga dijangka melibatkan beberapa kontroversi termasuk dua buah bukunya sebelum ini termasuk buku "Menuju PAS Baru" yang diterbitkan The Malaysian Insider.

Ia diikuti buku "Rejuveninasi PAS" yang diterbitkan Ilham Book.

Dr Mujahid dalam ucapannya, berkata buku ini bersifat santai supaya semua pihak dapat membacanya berbanding dengan penulisan akademik yang agak ketat disiplinnya.

Prof Madya Mat Rofa, seorang pakar metematik yang banyak terlibat dalam dialog antara agama turut dijemput membuat ulasan buku yang berusaha untuk memahami orang ramai bahawa dialog antara agama ialah jalan ke hadapan dalam melihat hubungan antara agama terpelihara demi kedamaian.

Beliau juga menyebut sifat Rahmat Islam adalah ciri utama keperluan dialog ini.

Zulkifli pula menyifatkan keterlibatan Dr Mujahid dalam dialog isu kalimah Allah bersifat proaktif dan menjelaskan keadaan di mana kisah perjalanan ini dikumpulkan dalam buku ini.

Terdahulu, Pengerusi Eksekutif Ilham Books, Hisomudin Abu Bakar dalam ucapannya berkata, pihaknya berharap buku ini dapat memenuhi kehendak pasaran dalam buku-buku bertemakan dialog antara agama.

Majlis diakhiri dengan sesi tandatangan dengan berbagai pihak yang berpusu-pusu untuk mendapatkan buku dan tandatangan penulis.

Buku yang diterbitkan Ilham Books itu dijual pada harga RM25.00. Pihak yang berminat boleh menghubungi www.facebook.com/ILHAMBooks atau hubungi nombor telefon 019-6740644 atau emel ilhambooks@gmail.com. – 14 September, 2013.

Hakcipta © 2013 The Malaysian Insider

Source:

<http://www.themalaysianinsider.com/bahasa/article/dr-mujahid-lancar-buku-baru-berdialog-dengan-gereja>

